



正信念佛偈稱揚鈔下

本師曇鸞梁天子

常向鸞處菩薩禮

從此十二句、曇鸞讚亦分為三、初二句、梁天子、

崇重次、二句、師歸淨土、緣後八句、註解要、本

師曇鸞梁天子常向鸞處菩薩禮者本師者本

謂根本對末師故師謂師範也韻會師長也範也揚子教人以

道之稱又導之教訓曰師又習學也今淨土真宗之本師四依弘

經大士也私經大士如下曇鸞者續高僧傳七云釋曇

鸞或為巖味詳其氏鴈門人也云云又云自號為

有魏玄簡大士云也已上玄韻會微也玉篇妙也

才淨土論云沙門曇鸞法師者并州汝水之人

也魏末高齊之初猶在神智高遠三國知開洞

曉衆經獨步人外梁國天子蕭玉恒向北禮曇

鸞菩薩已上三國者齊梁北魏也獨步者補註

已上同十一云出銀州如師子頭尾虎豹文身黃

一角行有意氣故号獨步食草木可以避邪魅

無競化者義也梁天子者梁者代名天子者

白虎通云又天母地為天之子也已上俗說心地觀

經第三云諸天擁護如一子以是得稱天子名

已上今可依俗說俗語故梁高祖武帝諱行字叔

達多蘭陵人也姓蕭氏世稱梁武帝或稱梁蕭王

亦碧岩集一云人謂之佛心天子已上統紀三十

八云傳大士稱帝為國主救世菩薩已上梁武帝

甚敬重鸞公稱號菩薩禮矣

三藏流支授淨教焚燒仙經歸樂邦

此二句明師歸淨土緣三藏流支者三藏者

傳譯弘通人之通稱也具云三藏法師所謂通

經律論三藏法師故流支者法師別名具云菩

提流支續高僧傳一云菩提流支魏言道希北
天竺人也遍通三藏妙入總持志在弘法廣流
視聽已上云云持云云梵語陀羅尼此流支有異人所
謂同時有沙門菩提流支與般若流支前後出
經矣又有唐菩提流志同名異躰也然今三藏
流支者魏菩提流支矣授淨教者如下解淨教
者選擇集云明往生淨土之教已上是故具可云
往生淨土之教也今略言例如決定往生集海
云決定往生是淨教之宗旨也已上 焚燒仙經

歸樂邦者龍舒淨土文第五云曇鸞初自陶隱
居得仙經十卷鸞欣然自得以為神仙必可致
也後遇僧菩提留支問曰佛道長生乎能却老
不死乎支云長生不死吾佛道遂以十六觀經
與之云汝可誦此則三界無復生六道無復往
盈虛消息禍福成敗無得而至其為壽也有劫
石焉有河沙沙石之數有限壽量之數無窮此
吾金仙氏之長生也鸞深信之遂焚仙經而專
修觀經雖寒暑之變疾病之來亦不懈怠魏主

憐其志尚又嘉其自行化他流傳甚廣号为神
鷲釋迦為金仙矣然有云不修淨土而欲學仙
是捨目前美玉求不可必得之碲碲豈不惑哉壽
千万歲數盡復入輪迴世人學仙者万不得一
縱使得之亦不免輪迴千万學仙者終皆死亡
埋于下土是平生空費心力終無所益也碲碲石次也
爰密師遇流支焚燒仙經歸樂邦譬如捨
碲碲而得美玉也歸樂邦者歸入也樂邦
者弥陀淨土也樂者或名極樂或名安樂也邦

者玉篇云大曰邦小曰國上元照弥陀經義疏
云一乘極唱終歸咸指樂邦戒度聞持記云
指對此苦域故曰樂邦經云彼佛國土無有衆
苦但受諸樂故名極樂天台亦云樂邦之與苦
域上天台觀無量壽經疏序云夫樂邦之與苦
域上知礼妙宗鈔云苦樂相對安養淨國但受
諸樂堪忍穢土多受衆苦義言苦域上
天親菩薩論註解
以下八句註解要於中此一句標能解註下七

句顯所解法要 天親菩薩論註解者迦才淨
土論云註解天親菩薩往生論裁成兩卷法師
撰集無量壽經奉讚七言偈百九十五行并問
答一卷流行於世勸道俗等上註記云師雁門
人時未志學便則出家內外經籍具陶文理而
於四論佛性彌所窮研梁朝大通中入大極殿
講佛性義帝降階禮接乃屆江南陶隱居所得
仙方十卷次至洛下逢中國三藏菩提流支燒
仙經取觀經依之修行方期解脫晚任汾州北

山石壁玄忠寺時往介山之陰聚徒蒸業今号
鸞公巖是也魏興和四年卒于平遙山寺春秋
六十有七臨至終日幡華幢蓋高映院宇香氣
蓬勃音聲繁鬧以事上聞勅築汾西秦陵谷營
建塼塔並為立碑文撰禮淨土十二禮續龍樹
偈後或撰略論並此註解兩卷廣流傳世具諸
傳已上續高註解者不題須撰号沙門曇鸞註
解呼以為註之題目註韻會解也廣韻疏也字
彙訓釋也解韻會講也說
也

報土因果顯誓願

往還迴向由他力

此二句明利他二種迴向。報土因果顯誓願
往還迴向由他力者報土者酬因感果淨土也
論註云願我成佛以无上正見道起清淨土出
于三界性是本義言此淨土隨順法性不乖法
本事同華嚴經寶王如來性起義又言積習成
性指法藏菩薩集諸波羅密積習所成亦言性
者聖種性序法藏菩薩於世自在王佛所悟無
生法忍余時位名聖種性於是性中發四十八

願修起此土即曰安樂淨土上又云向說觀察
莊嚴佛土功德成就莊嚴佛功德成就莊嚴菩
薩功德成就願心莊嚴應知應知者應知此三
種莊嚴成就由本四十八願等清淨願心之所
莊嚴因淨故果淨非無因他因有上者非外道見
計謂無因即邪見他因即戒禁
取見也佛教以因果為宗也
報土因果等者
論註云問曰有何因緣言速得成就阿耨多羅
三藐三菩提答曰論言修五門行以自利利他
成就故然覈求其本阿彌陀如來為增上緣他

利之與利他談有尤右若自佛而言宜言利他
自眾生而言之宜言他利今將談佛力是故以
利他言之當知此意也凡是生彼淨土及彼菩
薩人天所起諸行皆緣阿彌陀如來本願力故
何以言之若非佛力四十八願便是徒設今的
取三願用證義意願言設我得佛十方眾生至
心信樂欲生我國乃至十念若不得生者不取
正覺唯除五逆誹謗正法緣佛願力故十念念
佛便得往生得往生故即免三界輪轉之事無

輪轉故所以得速一證也願言設我得佛國中
人天不住正定聚必至滅度者不取正覺緣佛
願力故任正定聚任正定聚故必至滅度無諸
迴伏之難所以得速二證也願言設我得佛他
方佛土諸菩薩眾來生我國究竟必至一生補
處除其本願自在所化為眾生故被弘捨鎧積
累德本度脫一切遊諸佛國修菩薩行供養十
方諸佛如來開化恆沙無量眾生使立無上正
真之道超出常倫諸地之行現前修習普賢之

德若不介者不取正覺緣佛願力故超出常倫
諸地之行現前修習普賢之德以超出常倫諸
地行故所以得速三證也以斯而推他力為增
上緣得不然乎當復引例示自力他力相如人
畏三塗故受持禁戒受持禁戒故能修禪定以
禪定故修習神通以神通故能遊四天下如是
等名為自力又如劣夫跨驢不上從轉輪王行
便乘虛空遊四天下無所障身如是等名為他
力愚哉後之學者聞他力可乘當生信心勿自

局分也已註解既修五門行以自利利他成也
也已實感應同文也雖然將往還迴向由他
談佛力故讓功他力也云云
力者往謂往相迴向還謂還相迴向也論註云
迴向有二種相一者往相二者還相往相者以
已功德迴施一切衆生作願共往生彼阿彌陀
如來安樂淨土還相者生彼國已得奢摩他毘
婆舍那方便力成就迴入生死稠林教化一切
衆生共向佛道若往若還皆為拔衆生渡生死
海是故言迴向為首成就大悲心故上六要云

問所言迴向是為衆生所修迴向將為如來所
作迴向各五念門行本是衆生所修行而尋其
本偏以佛力為增上緣所成就故以實而論諸
佛菩薩皆以五念得菩提故弥陀正覺即修五
念速得成就然五門中此迴向行往生之後為
出功德成就大悲度生死海佛本願力為其本
故推功於佛所勉唯為佛迴向也上上所引註
然覈求其本阿弥陀如來為增上緣上上又云凡
是生彼淨土及彼菩薩人天所起諸行皆緣阿

弥陀如來本願力故也何以言之若非佛力四
十八願便是徒設上上文生彼淨土者往相迴
向也彼菩薩人天所起諸行者還相迴向也若
往若還共非佛力彼願力便為徒設豈可然哉
往相還相之相字付字也故註文言若往若還
即其義也故今不言往相還相而畧相字言往
還也
正定之因唯信心
此一句明正定聚因唯信心 正定之因唯信
心者註云易行道者謂但以信佛因緣願生淨

土乘佛願力便得往生清淨土佛力任持即入
大乘正定之聚正定即是阿毘跋致以上以彼但
以信佛因緣此為唯信心也問又註云至心令
聲不絕具足十念便得往生安樂淨土即入大
乘正定之聚畢竟不退上初文但信身後文兼
信行相違如何答信行不離也故今師法語云
無離行信無離信行上信卷云真實信心必具
名號上

惑染凡夫信心發

證知生死即涅槃

此二句明煩惱具足凡夫信心發證生死即涅
槃惑染凡夫信心發證知生死即涅槃者惑
謂迷惑其躰煩惱也染謂染汚煩惱不淨名為
染汚也故惑染凡夫即是煩惱成就凡夫也信
心發者金剛信心發起也證知生死即涅槃者
即是入不二法門也不二法門者即是佛智所
證也然鸞師釋无上正遍道中道之字釋今本
文也論註云道者無身道也經言十方無身人
一道出生死一道者一無身道也無身者謂知

生死即是涅槃如是等入不二法門无身相也
 上又云修行成不二心上所謂以證知生死即
 涅槃故不二也天台云妙證之時悉皆兩捨上
 往生要集云如大圓覺經偈云一切諸衆生無
 始幻無明皆從諸如來圓覺心建立當知生死
 即涅槃煩惱即菩提圓融無身不二無別而由
 一念妄心入生死界來無明病所盲久忘本覺
 道但諸法從本來常寂滅相如幻無定性隨心
 而轉變上問證知生死即涅槃者為此土益為

彼土益耶答淨土證益也問即之言似現生之
 益加之惑染凡夫信心發之鉤鎖不彼土證益
 哉答化身土文類云於此界中入聖得果名聖
 道門於安養淨刹入聖得果名淨土門上即是
 此宗大旨也論註云有凡夫人煩惱成就而得
 生彼淨土三界繫業畢竟不牽則是不斷煩惱
 得涅槃分上玄義云捨此穢身即證彼法性之
 常樂上和讚云如來即涅槃也涅槃名佛性凡
 地而不證至安養可證上何況論註本文知生

死即是涅槃者是則佛果證益也至即之所難者即者相即之即而不二異稱也又至惑染凡夫之鈎鎖者因中說果耳

必至無量光明土

諸有衆生皆普化

此二句明到彼普化衆生必至無量光明土者光明土者弥陀報土也无量清淨平等覺經第二云速疾超便可到安樂國土之世界至無量光明土供養於無數佛上註文雖無无量光明土名以義加焉論本文云無垢莊嚴光一念

及一時普照諸佛會利益諸羣生上註云佛土諸大菩薩於一念時頃遍至十方作種種佛事上必至無量等者往相也論註云往相者以已功德迴施一切衆生作願共往生彼阿彌陀如來安樂淨土上諸有衆生皆普化者諸有衆生者一切衆生也今師云諸有衆生者十方萬衆生也已上假名書皆普化者普玉篇云徧也化謂教化也此句是還相也論註云還相者生彼國已得奢摩他毘婆舍那方便力成就迴入生死

稠林教化一切衆生共向佛道若往若還皆為
拔衆生渡生死海已上註下云譯奢摩他曰止
云云同註下云譯毘婆舍那
曰觀云云

道綽次聖道難證 唯明淨土可通入

從此八句道綽讚亦分為五初二句聖道淨土
二門次二句貶自力勸專修次一句三不三信
誨次一句辨經住滅後二句下機往益 道綽
次聖道難證唯明淨土可通入者道綽者師諱
續高僧傳二十四卷習禪云釋道綽姓衛并州

汝水人蘇齡處俗謂以恭讓知名十四出家
宗師經誥大涅槃部偏所弘傳講二十四遍晚
輩贊禪師修涉空理乃曾以貞觀二年四月八
日綽知命將次通苦事相聞而赴者滿于山寺
咸見鸞法師在七寶船上告綽云汝淨土堂成
就但餘報未盡耳乃至年登七十忽然齒新生
如本全無歷異加以報力休健容色盛發談述
淨業理味奔流詞吐包蘊乃至今年八十有四神
氣明爽宗紹存焉上迦才淨土論云沙門道綽

三言身以

法師者亦是并州晉陽人也乃是前高德大鸞
法師三世已下懸孫弟子講涅槃經一部每常
嘆詠鸞師智德高遠自云相去千里懸殊尚捨
講說修淨土業已見往生况我小子所知所解
何即為多將此為德從大業五年已來即捨講
說修淨土行一向專念阿彌陀佛禮拜供養相
續無間貞觀已來為開悟有緣時時敷演無量
壽觀經一卷示誨并州晉陽大原汶水三縣道
俗七歲已上普解念阿彌陀佛上精進者用小

豆為數念阿彌陀佛得八十石或九十石中精
進者念五十石下精進者念二十五石教諸有
緣不向西方淨土便利不背西方坐臥撰安樂
集兩卷見行於世去貞觀十九年歲次己巳四
月二十四日悉與道俗取別三縣內門徒就別
前後不斷難可記數至二十七日於玄忠寺壽
終時有白雲從西方來變為三道白光於自房
中徹照通過終訖乃滅後燒墳陵時復有五色
光三道於空中現映遠日輪繞訖乃止復有紫

雲三度於墳上現遺終弟子同見斯瑞若准經
斷並是諸佛慈善根力能令眾生見如此事又
准華嚴經偈說又放光明名見佛此光覺悟命
終者念佛三昧必見佛命終之後生佛前已上
已下弟子者曇鸞安樂集記今考云後周武皇
帝保定二年壬午誕生以滅年此年當北齊武成
二年又隋煬帝大業五年己未禪師五十三捨講
說入淨土門唐太宗文皇帝貞觀十九年己巳四
月二十七日入滅八十道玉篇云理也義也緯

玉篇云體也寬也俊也大也矣決聖道難證唯
明淨土可通入者決者韻會決決定不疑也字
彙決判也謂決判也聖道等者聖道淨土二門
教相者師所立也其聖道者入聖得果之道也
其淨土者往生淨土之教也二門得名從凡至
聖名為聖道從穢至淨稱曰淨土俱名門出入
義也謂出火宅入涅槃故難證等者安樂集中
有十二大門第三大門有四番料簡其第三料
簡中明聖道難證淨土可通入安樂集上云問

曰一切衆生皆有佛性遠劫以來應值多佛何
因至今仍自輪迴生死不出火宅答曰依大乘
聖教良由不得二種勝法以排生死是以不出
火宅何者為二一謂聖道二謂往生淨土其聖
道一種今時難證一由去大聖遙遠二由理深
解微是故大集月藏經云我末法時中億億衆
生起行修道未有一人得者當今末法現是五
濁惡世唯有淨土一門可通入路是故大經云
若有衆生縱令一生造惡臨命終時十念相續

稱我名字若不生者不取正覺又復一切衆生
都不自量若據大乘真如實相第一義空曾未
措心若論小乘修入見諦修道乃至那含羅漢
斷五下除五上無間道俗未有其分縱有入天
果報皆為五戒十善能招此報然持得者甚希
若論起惡造罪何異暴風駛雨是以諸佛大悲
勸歸淨土縱使一形造惡但能繫意專精常能
念佛一切諸障自然消除定得往生何不思量
都無去心也上又云若欲於斯進趣勝果難階

正言易以下

唯有淨土一門可以情_テ情_ヲ起_ス入_ル唯明者唯字
彙云訓獨又云專辭也_上唯但二字者有不借
餘之習也_上

萬善自力殷勤修

圓滿德號勸專稱

此二句明_下與_ニ自力_ヲ勸_中專稱_ト萬善自力殷勤修
者萬善者一切諸有善根也戒度聞持記云普
賢大行如塵若沙且奉大數故言萬也_{行之上}釋
自力者集中在此起心立行願生淨土此是自
力_上殷勤修者與抑也謂_抑抑_万善自力之勤

修集中第三大門有四番料簡第一辨難易二

道云余既自居火界實想懷怖仰惟大聖三車
招慰且詳鹿之運權息未達佛訶邪執鄣上求
菩提縱後迴向仍名迂迴若徑攀大車亦是一
途只恐現居退位嶮徑遙長自德未立難可昇
進是故龍樹菩薩云求阿毘跋致有二種道一
者難行二者易行道_至問曰菩提是一修因亦
應不二何故在此修因向佛道名為難行往生
淨土期大菩提乃名易行道也答曰諸大衆經

所辨一切行法皆有自力他力自攝他攝何者
自力譬如有人怖畏生死發心出家修定發通
遊四天下名為自力何者他力如有劣夫信已
身力擲驢不上若從輪王即便乘空遊四天下
即輪王威力故名他力衆生亦亦在此起心立
行願生淨土此是自力臨命終時阿彌陀如來
光臺迎接遂得往生即為他力故大經云十方
人天欲生我國者莫不皆以阿彌陀如來大願
業力為增上緣也若不如是四十八願便是徒

設語後學者既有他力可乘不得自局已分徒
在火宅也此信知餘門學道如蟻子上於高山
淨土往生似風帆行順水矣 圓滿德號者無
量壽如來會云最勝丈夫修行已於彼貧窮為
伏藏圓滿善法無等倫上畧論安樂淨土義云
万善圓滿成無上道上行文類云圓滿福智藏
已上福智者六度於中福者前五波羅蜜檀戒忍
進禪是也智者第六般若波羅蜜也藏者伏藏
之義也凡以万行攝六度以六
度彰名号故言圓滿福智藏也 又云大行者則
稱无等光如來名斯行即是攝諸善法具諸德

本極速圓滿真如一實功德寶海故名大行上
名号即實相也故云真涅槃經云金剛寶藏無
如一實功德寶海也所滅是則於一行具足圓滿一切行明證
也元照弥陀經義疏云行滿功成一時圓證於
三身萬德摠彰於四字上戒度云佛名乃是積
功薰修攬其萬德摠彰四字是故獲益非淺上
用欽云今若以我心口稱念一佛嘉號則從因
至果無量功德無不具足上嘉祥云問念佛三
昧何因能得滅如此多罪耶解云佛有無量功

德念無量功德故得滅無量罪上西方要決云
諸佛願行成此果名但能念号具包眾德故成
大善不廢往生上往生十因云今此佛号文字
雖少具足眾德如如意珠形躰雖少上雨無量上
已上如意珠形躰雖少者止觀第五云如意
珠天上勝寶狀如芥粟有大功能云私決云大
論云古佛舍利狀如芥粟上雨无量者論註
下云舍利變為摩尼如意寶珠乃至虛空中雨
種種物皆稱所須滿選擇集云念佛是勝餘行
足天下一切人願上是劣所以者何名号者是万德之所歸也然則
弥陀一佛所有四智三身十力四无畏等一切

內證功德相好光明說法利生等一切外用功
德皆悉攝在阿彌陀名号之中故名号功德最
為勝也餘行不然各守一隅是以為劣也譬如
世間屋舍名字之中攝棟梁椽柱等一切家具
棟梁等一一名字中不能攝一切以之應知然
則佛名号功德勝餘一切功德是故名為圓
滿德号也勸專稱者安樂集中往往有其義有
十二大門其第一大門云明教興所由約時被
機勸歸淨土者若教赴時機易修易悟若機教

時非難修難入乃至計今時眾生即當佛去世後
第四五百年正是懺悔修福應稱佛名号時若
一念稱阿彌陀佛即能除却八十億劫生死之
罪一念既念况修常念即是恆懺悔人也乃然
大聖加慈勸歸極樂若欲於斯進趣勝果難階
唯有淨土一門可以情恣趣入若欲披尋眾典
勸處弥多遂以採集真言助修往益何者欲使
前生者導後後去者訪前連續無窮願不休止
為尺無邊生死海故已又云但能繫意專精常

能念佛一切諸障自然消除定得往生何不思
量都無法心也又引文殊般若云繫念一佛
專稱名号又引大樹緊陀羅王經云一向專
志行念佛三昧迦戈淨土論中緯公傳云從
大業五年已來即捨講說修淨土行一向專念
阿彌陀佛禮拜供養相續無間示誨并州晉
陽大原汶水三縣道俗七歲已上普解念阿彌
陀佛然則禪師五十三捨講說入淨土門已
來自行化他只在一向專稱彌陀佛名故云勸

專稱也

三不三信誨慇懃

此一句明三不三信誨三不三信誨慇懃者
安樂集云問曰若人但稱念彌陀名号能除十
方衆生無明黑闇得往生者然有衆生稱名憶
念而無明猶在不滿所願者何意答曰由不如
實修行與名義不相應故也所以者何謂不知
如來是實相身是為物身復有三種不相應一
者信心不淳淳若存若亡故二者信心不一謂無

正信得救

三

決定故三者信心不相續謂餘念間故迭相攝若相續則是一心但能一心即是淳心具此三心若不生者無有是處實相身者今文不此三心若實相身也實相謂只言真實義也相字力即知其例在釋籤七最初實得實相也故相字付字也其非言實相非理事但言實事也故相字籤据款云雖言實相非理事但言實事也故相字付字也其不知如來是為物身者若知大悲攝物即是知為物身也若存若亡者老子經語林希逸註云若存若亡者且信且疑又以為無文今師云若存若亡或時思不得往生矣了譽云生疑煩惱故信心不深也淳韻會淳或作敦通作純純厚也

誨慇懃者誨玉篇云教示慇懃韻會委曲貌上

所謂鸞師論註既釋三不三信緝公亦安樂集
中委曲明之故云誨慇懃也問三不三信本是
鸞師釋何屬緝公讚耶答如所難曇鸞和讚中
有三不三信和讚是其義也但以三不三信今
屬緝公不無其例黑谷大經釋云道緝禪師三
信三不亦是專雜二修義上三不三信是兩師
所判故更無難也註記云問所言三信為安心
為起行答恐是安心可同觀經三心但三心中
今就信心分別三信信心若具餘二應真上深

心中具前後之二心也

像末法滅同悲引上三

此一句明辨經住滅 像末法滅同悲引者安

樂集有十二大門第六大門有三番料簡其第

三辨經住滅安樂集云謂釋迦牟尼佛一代正

法五百年像法一千年末法一万年衆生滅盡

諸經悉滅如來悲哀痛燒衆生特留此經止住

百年上是則今本文也下十八十七選擇集云選代者依雙

卷意遠指末法万年之後百歲之時也是則等

選攝述也然者法滅之後猶以然也何況末法

哉末法已然何況正法像法哉故知念佛往生

之道通正像末之三時及法滅百歲之時焉上

問正像末名義如何答正與證同像似也未微

也無也滅也大部補註第八云有人引青龍疏

云有教行證名為正法有教有行無證為像法

像似也無教行證為末法今謂末法亦有教但

無行證耳上上有人義云末法之中無教行證

也神智法師義末法之中無行證二教之一尚

唯集世世石及行

在矣今師同神智義化身本末本有九行土本引末法燈明記云於末法中但有言教而無行證上然則考今時但有言教而無行證現量也問於佛滅後明正像末有種種說今依何說耶答正像末經說種種不同也一者正法五百年像法一千年依大集月藏分二云正法千年像法五百年依悲華經三云正像各一千年如大悲經四云正像各五百年如大乘三聚懺悔經云就中淨土一家曇鸞道綽善導源空今師等依憑正法五百

年像法一千年末法万年之說也云今師化身土文類引末法燈明記云基般若會釋云正法五百年像法一千年此一十五百年後釋迦法滅盡已上故知已後是屬末法也明記已上燈同化身土本云玄忠寺綽和尚云辨經任滅者謂釋迦牟尼一代正法五百年像法一千年末法一万年衆生滅盡諸經悉滅如來悲哀痛燒衆生特留此經止任百年又云大集經云我末法時中億億衆生起行修道未有二人得者當今末

三言身下

二四

破戒分化更正本
四丁下右五行
至道滅尽寺上卷
三十三丁右

法是五濁惡世唯淨土一門可通入路化身上
引土所緝公入末法十一年誕生導師入末法六
十一年誕生自佛入滅歷一千五百六十年故緝
公當今末法是五濁惡世釋導師今逢釋迦佛
末法之遺跡文炳下焉像末法滅同悲引者釋尊
我以慈悲哀愍之悲引也即是念佛利益也故
化身土本云淨土真宗者在世正法像末法滅
濁惡群萌齊悲引也上是知具可云在世正法
像法末法法滅百歲齊同悲哀引入也偈頌故

省略而已問法滅利益如何答末法萬年後餘
行悉滅特留念佛百歲是為法滅利益也無量
壽經云當來之世經道滅尽我以慈悲哀愍特
留此經止住百歲其有衆生值此經者隨意所
願皆可得度上往生禮讚釋上文云萬年三寶
滅此經住百年介時間一念皆當得生彼上慈
恩西方要決云末法萬年餘經悉滅茲陀一教
利物偏增上選擇集云諸行往生近局末法萬
年之時念佛往生遠露法滅百歲之代至問曰

正信易以下

三十五

百歲之間可留念佛其理可然此念佛行唯為
被彼時機將為通於正像末法之機也答曰廣
可通於正像末法舉後勸今其義應知已
一生造惡值弘捨
至安養界證妙果
此二句明下機往益 一生造惡值弘捨至安
養界證妙果者一生者現在之一生也造惡者
十惡五逆等造惡也值弘捨者考安樂集值弘
捨通平生臨終安樂集上云縱使一形造惡但
能繫心專精常能念佛一切諸障自然消除定

得往生上又云縱令一生造惡臨命終時十念
相續稱我名字若不生者不取正覺上安養界
安韻會寧也養韻會育也樂也无量壽經云往
生安養國上義寂釋云安心云安養身云養上
如湛淨業記云安樂養育眾生上證妙果者妙
名不思議矣果謂佛果也心地觀經云菩提妙
果不難成真善知識實難逢上即是以佛道果
稱菩提妙果也

善導獨明佛正意

右ハニシノヨキテ
左ノヲテハアリ

從此八句善導讚亦分為三初一句述獨明佛
正意次三句令下矜哀衆機入本願大智海後四
句弘願他力勝益善導獨明佛正意者善導
者戒珠往生傳云釋善導不原其姓亦不悉何
許人周遊寰宇求訪道津唐貞觀中見西河綽
禪師行方等懺及淨土九品道場導大喜曰此
真入佛之津要吾得之矣於是篤勤精苦若救
頭然續至京師擊發四部弟子無間貴賤彼屠
沽輩亦擊悟焉嘗寫弥陀經數十万卷散施受

持以故京師至于左右列郡念經佛者踵迹而
是或問導曰念佛之善生淨土耶對曰如汝所
念遂汝所願對已導乃自念阿弥陀佛如是一
聲則有一道光明從其口出或其十聲至于百
聲光亦如是導厭此身諸苦逼迫情偽變易無
暫休息乃登所居寺前柳樹西向願曰願佛威
神驟以接我觀音勢至亦來助我令我心不失
正念不起驚怖不於弥陀法中生退墮願畢於
其樹上投身自絕時京師士大夫傾誠歸信咸

正信易少

三

收其骨以葬高宗皇帝知其念佛口出光明又
知捨報之時精至如此下勅以額其寺為光明
焉上龍舒淨土文新修往生傳瑞應傳佛祖統
紀念佛鏡等委明師德併畧之問有云有三
三人善導矣若介者有善導多類耶否不然然
阿傳通記問考諸傳似善導有多類謂新修傳
中奉二十三人中第二十五善導第二十六善
導是似二人上新修傳之中雖載三十三人
皆名善導也唯二十五篇與第二十六篇兩處

有善導是示云似二人知實一人也又傳通記
云念佛鏡作者善導又法照少康二師号後善
導今撰者何師耶答念佛鏡云有道綽善導懷
感等已往生者明知彼作者善導是別人後善
導者後人所名既有別名知非撰者今撰者彼
第二十五篇所載善導也此與年代錄瑞應傳
等所奉善導皆以同人也上抑善導大師傳異
說頗多所謂戒珠往生傳云不原其姓亦不悉
何許人矣新修傳同不悉何許人矣瑞應傳云

姓朱泗州人也矣統紀云臨淄人也已上氏姓生所不同
續高僧傳三十七卷山僧善導矣瑞應傳禪師
矣西方畧傳和尚矣淨土往生傳高僧矣念佛
鏡律師又闍梨矣顯要記大師矣統紀二十七
卷法師已上德新修傳二十六篇忽然微疾掩
室怡然長逝矣統紀二十八卷微疾而逝已上
逝新修傳二十五篇佛祖統紀二十七卷戒珠
往生傳龍舒淨土文等皆以今家大師為遺命
師又用欽白蓮記善導和尚臨終緣高樹捨身

而逝已上遺命已上新修傳唐高宗皇帝永隆二年三月
十四日逝矣年代錄三月二十七日逝已上沒
古德云傳說不同自為真偽欵或權化隨緣入
滅有差別欵其例非一云獨明佛正意者選擇下其本行
集云問曰華嚴天台真言禪門三論法相諸師
各造淨土法門章疏何不依彼等師唯用善導
一師乎答曰彼等諸師各皆雖造淨土章疏而
不以淨土為宗唯以聖道而為其宗故不依彼
等諸師也善導和尚偏以淨土而為宗而不以

正言易以下

聖道為宗故偏依善導一師也問曰淨土祖師其數又多謂弘法寺迦才慈愍三藏等是也何不依彼等諸師唯用善導一師哉答曰此等諸師雖宗淨土未發三昧善導和尚是三昧發得之人也於導既有其證故且用之問曰若依三昧發得者懷感禪師亦是三昧發得之人也何不用之答曰善導是師也懷感是弟子也故依師不依弟子也况師資之釋其相違甚多故不用之問曰若依師不依弟子者道綽禪師者是

善導和尚之師也抑又淨土祖師也何不用之答曰道綽禪師者是雖師未發三昧故至爰知善導和尚者行發三昧力堪師位解行非凡將是曉矣又時人諺曰佛法東行已來未有禪師盛德矣絕倫之譽不可得而稱者欵加之條錄觀經文義之刻頗感靈瑞屢頌聖化既蒙聖冥加然造經科文奉世而稱證定疏人貴之如佛經法乃靜以善導觀經疏者是西方指南行者目足也然則西方行人必須珍敬矣就中每夜

夢中有僧指授玄義僧者恐是弥陀應現介者
可謂此疏是弥陀傳說何況大唐相傳云善導
是弥陀化身也余者可謂又此文是弥陀直說
既云欲寫者一如經法此言誠哉仰討本地四
十八願之法王也十劫正覺之唱有憑于念佛
俯訪垂迹者專修念佛之導師也三昧正受之
語無疑于往生本迹雖異化導是一也已問所
引選擇文偏依善導義也何證善導獨明哉答
大師獨明佛正意故偏依善導一師也問佛正

意如何答本願念佛也有人問淨影釋義之高
僧嘉祥三論之祖師天台樂王垂迹慈恩本地
觀音也自餘諸師等或智者或權化也何不談
本願正意耶答諸師所掌各別也皆是如來使
知機知時各弘通其教法雖然取淨土一宗今
家大師不似餘師也機教得時何師諍德哉六
要云善導等者選擇集意諸師雖多獨依今師
蓋請佛證三指定古今明顯別意弘願正旨故也
上具可謂善導獨明佛正意本願念佛也六十九
歲往生

矜哀定散與逆惡

光明名号顯因緣

開入本願大智海

此三句明令矜哀衆機入本願海。矜哀定散與逆惡者矜韻會愍也哀廣韻閔也悲也定散者玄義云定即息慮以凝心散即廢惡以修善。息慮凝心者十三觀定善機也廢惡修善者三福九品散善機也亦於散機有二種一者善人二者惡人也其善人者三福及上六品機也其惡人者下三品即五逆十惡機也六要云矜

哀等者明所被機普兼善惡言定散者唯是簡機非其受法故對造逆造惡衆生奉定與散以爲善機。此解云唯是簡機非其受法者散善義中有十一門料簡於中其第五者正明簡機堪與不堪第六者正明受法不同。然則以彼十一門釋解此句則定散者唯是簡別機而已非所受持定散之法也。逆惡者逆謂五逆惡謂十惡也所謂雖往生機類衆多不出定散與逆惡也。光明名号顯因緣者光明者攝取光明也。

名号者本願名号也。顯因緣者顯謂顯示也。因
謂往生因也。緣謂往生緣也。往生禮讚云。問曰
一切諸佛三身同證悲智果圓。亦應無二。隨方
禮念。課稱一佛。亦應得生。何故偏歎西方。勸專
禮念。等有。何義也。答曰。諸佛所證平等。是一若
以願行來收。非無因緣。然弥陀世尊本發深重
誓願。以光明名号攝化十方。但使信心求念上
盡一形。下至十聲一聲等。以佛願力。易得往生
是故釋迦及以諸佛勸向西方。為別異耳。上行

卷云。良知無德号。慈父能生。因闕無光明。悲母
所生。緣中能所。因緣雖可和合。非信心業識無
到光明土。真實信業識。斯乃為內因。光明名号
母斯乃為外緣。內外因緣和合。得證報土。真身
故宗師言。以光明名号攝化十方。但使信心求
念上。開入本願大智海者。開者開示也。玄義
云。今乘二尊教。廣開淨土門。上疏第四云。上來
雖說定散兩門之益。望佛本願意。在衆生一向
專稱弥陀佛名。上就上疏。文選擇云。今又善導

入行卷四之三

和尚所以廢諸行歸念佛者即為弥陀本願之
上亦是釋尊付屬之行也故知諸行非機失時
念佛往生當機得時感應豈唐捐哉當知隨他
之前暫雖開定散門隨自之後還閉定散門一
開以後永不閉者唯是念佛一門弥陀本願釋
尊付屬意在此矣行者應知上入者流入也入
進也本願大智海者大經云如來智惠海深廣
無涯底二乘非所測唯佛獨明了上往生禮讚
云弥陀智願海深廣无涯底間名欲往生皆悉

到彼國上玄義云言弘願者如大經說一切善
惡凡夫得生者莫不皆乘阿弥陀佛大願業力
為增上緣也又佛密意弘深教門難曉三賢十
聖弗測所窺况我信外輕毛敢知旨趣上論註
云願我成佛所有天人皆從如來智惠清淨海
生海者言佛一切種智深廣無涯不宿二乘雜
善中下死尸喻之如海上行文類云山陰慶文
云良由佛名從真應身而建立故從慈悲海而
建立故從誓願海而建立故從智惠海而建立

法言獨抄下

法言

金剛經卷第五下
同字三受節一卷下

故從法門海而建立故若但專稱一佛名号則
是具稱諸佛名号功德无量能滅罪障能生淨
土何必生疑乎上

行者正受金剛心
慶喜一念相應後
與韋提等獲三忍
即證法性之常樂

此四句明弘願他力勝益行者正受金剛心
慶喜一念相應後與韋提等獲三忍者行者者
念佛修行之者也正受者離邪倒願納所緣故
言正受也天台觀經疏云正受者非邪曰正
願

四流也卷末下

納名受上金剛心者他力信心堅固假譬金剛
即是不壞之義也所謂金剛者金精堅者百鍊
不消其射明淨碎万物故以信心堅固喻金剛
也玄義云共發金剛志橫超斷四流上疏第四
云此心深信由若金剛上然則金剛心者堅固
義也信卷末云真知彌勤大士窮等覺金剛心
故龍華三會之曉當極無上覺位念佛衆生窮
橫超金剛心故臨終一念之夕超證大般涅槃
故曰便同也加之獲金剛心者則與韋提等即

正言攝下

三十五

可獲得喜悟信之忍是則往相迴向之真心徹
到故藉不可思議之本誓故也禪宗智覺讚念
佛行者云奇哉佛力難思古今未有慶喜一
念相應後者慶喜心身悅豫之義也信卷云憶
念即是真實一心真實一心即是大慶喜心大
慶喜心即是真實信心真實信心即是金剛心
已相應後者論註云相應者譬如函蓋相稱也
已謂行者之一念與弥陀本願相應之以後也
問玄義云正受金剛心相應一念後文彼正受

金剛心者金剛喻定也等覺無念極位其無尋
道名金剛喻定也又相應後者指等覺金剛心
也大品經曰一念相應惠斷餘殘習已智度論
曰用一念相應惠得阿耨多羅三藐三菩提是
時名為佛已一念相應者定惠相應之一念理
智相應之一念也亦者何為凡夫所發信心哉
答為顯受得橫起金剛心隨宜轉用也故有簡
別之言謂為簡別等覺之金剛心與橫起之金
剛心新句上加行者之言又為簡別定惠相應

之一念與本願相應之一念新句上加慶喜之
言也例如序分義云明夫人真心徹到厭苦娑
婆欣樂無為永歸常樂但無為之境不可輕介
即階苦惱娑婆無由輒然得離自非發金剛之
志永絕生死之元若不親從慈尊何能免斯長
歎上與韋提等獲三忍者與韻會黨與也及也
所謂令未來世一切衆生黨與韋提希夫人也
韋提者梵語此云思惟名義集云觀經云惟願
世尊教我思惟教我正受上天竺王舍城頻婆

沙羅王之國大夫人也即是阿闍世王國母也
問韋提夫人為是權者為是實者答權者也心
如觀經云韋提希夫人乃殊勝妙顏夫人而為
上首已能善入無量正定為度衆生示現女人
上安樂集上云韋提大士自為及哀愍末世五
濁衆生輪迴多劫徒受痛燒故能假遇苦緣諮
開出路上淨影云韋提夫人實大菩薩上靈芝
云大權引實故示同凡上教行證序云斯乃權
化上韋提既是觀經發起鑑機知時是以諸經

正言易妙下

經

發起衆悉是內鑑冷然韋提何獨實者雖然為
引凡夫故經曰汝是凡夫疏釋實是垢凡般舟
讚云韋提即是女人相貪瞋具足凡夫位上序
分義云然韋提現是菩薩假示凡身我等罪人
無由比及為斷此疑故言汝是凡夫也止然則
靈芝釋大權引實故示同凡止能可思量實是
大權聖者也示同凡時說汝是凡夫心想羸劣
也等者字彙等齊也即是等同義也獲三忍者
喜忍悟忍信忍之三忍也序分義云言心歡喜
三十三右

故得忍者此明阿彌陀佛國清淨光明忽現眼
前何勝踊躍因茲喜故即得無生之忍亦名喜
忍亦名悟忍亦名信忍此乃玄談未標得處欲
令夫人等怖心此益勇猛專精心想見時方應
悟忍此多十信中忍非解行已上忍也上傳通
記云言無生者不退之義忍也謂得無生
之惠故名無生忍也亦名喜忍等者心歡喜故
名為喜忍廓然大悟故名悟忍其位十信名信
忍也此乃玄談未標得處者頽遠奉勸正說之

正信佛經

三十三

須至持左

益故云玄談當文雖言得無生忍未言何處故云玄談其得處者若約夫人在第七觀若約未來更不可定此乃衆生機不同故依正二觀中隨何觀機熟時至可得忍也上傳通記意約觀成釋疏文也玄義云第七料簡韋提闍佛正說得益分齊者問曰韋提既言得忍未審何時得忍出在何文答曰韋提得忍出在第七觀初經云佛告韋提佛當為汝分別解說除苦惱法上說是語時無量壽佛住立空中觀音勢至侍立左

右時韋提應時得見接足作禮歡喜讚嘆即得無生法忍何以得知如下利益分中說言得見佛身及二菩薩心生歡喜歡未曾有廓然大悟得無生忍非是光臺中見國時得也上然則念佛行者得信心則與韋提等同得如是益也見佛三昧增上緣念佛所得利益故也六要意云獲三忍者雖外標觀門之益內顯念佛所得之益云問三法忍何時得之耶答法事讚下云極樂無為涅槃界隨緣雜善忍難生故使如來選

正言場以下

三九

要法教念弥陀專復專七日七夜心無間長時
起行倍皆然臨終聖衆持華現身心踊躍坐金
蓮坐時即得無生忍一念迎將至佛前法侶將
衣競來著證得不退入三賢已上證得不退者
十信无生也入三
賢者十在十行故知念佛行者臨終一念之久
十迴向三賢也三末十九下无
獲三忍也又六要云雖為薄地信外凡夫今依
他力超絕強緣成就信根故就得忍謂之十信
是故上人正信偈云與韋提等獲三忍即證法
性之常樂下文亦云獲金剛心者則與韋提等

即可獲得喜悟信之忍已上即證法性之常樂
者玄義云唯可勤心奉法畢命為期捨此穢身
即證彼法性之常樂已上六要云聖道淨土二門
雖異得脫之道共證此理而聖道門於此土中
即身悟之淨土之教依佛願力生彼國後得此
證也已上法性者大乘止觀云法者一切法以
斯淨心能與諸法作躰又性者躰實不改義諸
法之相自有生滅故名虛妄此心真實不改不
滅故名法性已上此心者一切衆生本覺真心
也常住清淨照了不昧了了常知

亦名佛性亦名如來藏矣常樂者證卷云常樂即是畢竟寂滅寂滅即是無上涅槃無上涅槃即是無為法身無為法身即是實相實相即是法性法性即是真如真如即是一如上往生要集云法性雖平等亦不離假有如彌陀佛言通達諸法性一切空無我專求淨佛土必成如是刹故為往生淨土先應厭離此界上捨此穢身往生淨土可證一如法界之真心也法華云云若眾生無佛智見何所論開當知佛智見上蓋在眾生上悲哉

我等愚輩妄想力羸故不覺知之下雖然唯可勤心奉法畢命為期捨此穢身即證彼法性之常樂也

源信廣開一代教 偏歸安養勸一切

從此八句源信讚亦分為四初二句自行化他二德次二句判專雜淺深辨立報化二土次一句極惡出離後三句攝取光益源信廣開一代教者讚自行源信師諱法華驗記云源信僧都本是大和國葛木下郡人也父卜部正親誠

雖無道心性甚質直也母清原氏有極道心生
一男四女為求子祈參詣郡內靈驗高尾寺夢
有住僧以一玉與之云即有懷妊生男子即修
年三齋戒之間於高尾寺夢見堂中有藏其中
有種種之鏡或大或小或明或暗爰有一僧取一
暗鏡與之小兒陳曰於此小暗鏡何用之乎欲
得彼大明鏡僧答曰彼非汝分是小鏡則汝分
也持至橫川可加磨瑩云夢覺之後不知橫川
何處後有事緣登於叡山大僧正慈惠大師待

請為弟子矣僧都天性聰惠而正直習學法門
道心堅固讀誦法華經了深義文々句々開通
無尋也乃至夢馬鳴龍樹摩頂隨喜傳教大師合
掌而言我山佛法永付屬聖人選往生要集示
極樂之指南施菩提之資糧其夢告云觀世音
微笑授與金蓮華毗沙門捧蓋坐立侍况利生
巧智弘法方便難思議也乃至構弥陀迎接之相
顯莊嚴之儀世間云迎講集其庭者緇素老少
乃至放蕩邪見之輩皆流不覺之淚結往生之

正言易以不

四

業時善神相副隨逐守護深夜獨坐思惟法門
欲見要文忽於燈燭有自然火雖有如是希有
之事更深匿藏不語他人造經論章疏抄頭密
教文其數華多不遑註記天台宗佛法臨此時
誠盛乃至大唐皇帝降宜旨建立廟堂安置影
像及往生要集授大師號謚圓通大師聞唐人傳恭敬
私拜本朝稱其任處及諱號瞻仰承任矣僧都
更取重病其間極久雖然念佛讀經不退觀念
行法不怠乃定知此所煩即生死流轉業苦今

生受盡也轉重輕受蓋謂之歟決定應受故業
今生償畢也乃遷化已前兼兩三月諸病皆悉
平愈無一分苦痛起居輕利身心安樂氣色作
法如壯年時臨寂後時集院內名德學徒而告
云今生面謁只此時計也若法門中有疑難者
論說可決其疑大衆或問法門要義散心雲霧
或惜此界別離從眼流淚乃僧都迄春秋七十
六以寬仁元年六月十日寅時永遷化矣當此
時天奏妙音樂或人聞樂音從西方指東方來

正言易抄下

卷三

或輩聞樂音從東方指西方往又香風頻吹奇
妙香氣滿虛空草木枝葉似萎蕤形向西方傾
低况涕淚嗚咽聲滿山林悲泣戀慕響徧院內
矣已上院內者延曆寺有三院寺內別處名之
為院此名三塔東塔名止觀院西塔名寶幢
院橫川名楞嚴院又續往生傳大正
今院內者橫川也云權少
僧都源信者大和葛木上郡當麻鄉人也童兒
之時登延曆寺師事慈惠僧正自少年時大智
軌輩問答泯疑之庭莫不令屈辱其人常云俱
舍因明者於穢土極之唯識期淨土宗義待佛

果所作之書往生要集三卷渡於宋朝彼國之
人向其影像依宋朝求生前寫真稱楞嚴院源
信如來上有云早世後乘白雲上告曰我是極
樂久任菩薩化緣已盡還歸本土是告三井慶
祚大阿闍梨室之言也已上慶祚謬為慶祐
非也祐信公門人也廣
開一代教者廣者廣博也開者開顯也一代教
者釋迦一代教也四教集解云一代者若三十
年為一代其義猶局今則但取代更之說即釋
迦如來一代非毗婆尸等也已上偏歸安養勸

一切者讚化他要集序云夫往生極樂之教行濁世末代之目足也道俗貴賤誰不歸者但顯密教法其文非一事理業因其行惟多利智精進人未為難如予頑魯之者豈敢矣是故依念佛一門聊集經論要文披之修之易覺易行拯有十門分為三卷上大文第八念佛證據門云今勸念佛非是遮餘種種妙行只是男女貴賤不簡行任坐臥不論時處諸緣修之不難乃至臨終願求往生得其便宜不如念佛也又大文

第三極樂證據門中對十方兜率問答云是即偏歸安養勸一切之義

專雜執心判淺深 報化二土正辨立

此二句明判專雜淺深辨立報化二土 專雜執心判淺深報化二土正辨立者要集大文第十問答料簡中第二往生階位中間菩薩處胎經第二說西方去此闍浮提十二億那由他有懈慢界國土快樂作倡伎樂乃至發意衆生欲生阿彌陀佛國者皆深著懈慢國土不能前進生

阿彌陀國億千萬眾時有一人能生阿彌陀佛
國上以此經准難可得生各群疑論引善導和
尚前文而釋此難又自助成云此經下文言何
以故皆由懈慢執心不牢固是知雜修之者為
執心不牢固之人故生懈慢國也若不雜修專
行此業此則執心牢固定生極樂國乃又報淨
土生者極少化淨土中生者不少已上要集文
倡者樂也妓
者能也歌舞也專修行者執心牢固故生極樂判為深
也雜修行者執心不牢固故生懈慢判為淺也

判者分也辨立者辨成也故辨立即是成也義
也執心牢固者信心堅固義也牢玉篇堅也
牢與牢同

極重惡人唯稱佛

此一句明極惡出離唯稱佛極重惡人唯稱

佛者極重惡人者五逆重罪人也唯稱佛者只

口稱南無阿彌陀佛於一念頃即得往生也要

集大文第八念佛證據門云觀經云極重惡人

無他方便唯稱念佛得生極樂已上要集記云無

他方便者不堪餘行如選擇云下品下生是五

逆重罪之人也而能除滅逆罪所不堪餘行唯
有念佛之力能堪滅於重罪故為極惡最下之
人而說極善最上之法上問經無此文者是取
意文取符經首有記云後一條御宇出離無疑
往生指掌肝要明文可撰進之由勅山門之處
諸眾同心而進此文誠有所以哉已上要集記
我亦在彼攝取中煩惱障眼雖不見
大悲無倦常照我
此三句明攝取光益 我亦在彼等者要集大

文第四正修念佛第四觀察門中雜略觀云又
云彼一一光明遍照十方世界念佛眾生攝取
不捨我亦在彼攝取之中煩惱障眼雖不能見
大悲無倦常照我身上倦韻會勞也廣韻厭也
解也靈芝弥陀經義疏云當知我輩處佛光中
都不覺知佛光常攝略無厭存猶如盲人居日
輪下乃至撫膺自責實可悲痛上略韻會
本師源空明佛教 憐愍善惡凡夫人
從此八句源空讚亦分為三初二句智慧二德

此言場以下

次二句片州弘通巨益後四句選擇最要信疑
得失 本師源空明佛教者讚聖人智德也源
空者師諱聖人行狀具如西方指南抄勢觀房
傳記繪詞傳等云元亨釋書云釋源空姓漆氏
作州稻崗人也父時國母秦氏父母無子祈佛
神母夢吞剝刀覺語于夫夫曰汝其有身乎恐
糝漆之人矣因而孕母感思夢事不茹葷腥長
承二年四月七日生頭圩而稜眼黃而光宗族
異之至四五歲舉止動向西九歲又被寇害一

家噪逃空自屏處偵之以小矛矢射冠中其肩
間寇者源長明寬治帝之衛曹也為其額瘡可
證發遂隱而終身時呼空為小矢兒郡之菩提
寺觀覺聞之乞為弟子性善習學覺嘆曰此器
兒何可居草澤乎送與延曆寺源光光曰此童
驥也非吾朽索之所羈也即投功德院皇圓剝
落受戒時年十五三暮之間通受台教又從黑
谷叡空稟密乘及大衆律凡大藏經律論他宗
章疏靡不檢閱空於教義有自得處欲質其所

正信場以水

觀

蘊謁藏俊述唯識詣慶雅演雜華二師皆嘆踰
於師承也因是俊贈供物雅寓章疏空自曰我
讀書三遍其義自彰不勞苦而已又云八宗之
外涉佛心宗於九教相粗得幽致晚見信師往
生要集乃棄所業倡淨土專念之宗承安四年
出黑谷居洛東吉水盛說專修及圓頓菩薩大
戒緇白靡然向風嘉應帝召入宮受戒藤相國
兼實延問淨土之事空述選擇集呈之專修之
徒取為秘要顯真靜嚴明遍證真公胤皆緇林

之趨楚也從空問專念之道空修法華三昧白
象現道場又讀華嚴八案下有異小蛇其徒信
空怖之捕去次日蛇又在焉又避之其夜蛇夢
空曰我是華嚴之護神也莫畏其後蛇猶蟠
下空又不怕經竟蛇不來矣皇太后於上西門
院請空一七日說戒門屏上有一蛇七日之間
屈盤不動每說時有側耳勢至散日而斃其頭
裂為二其中髮髻似人形空謁藤相國于月輪
下庭拜背後語左右曰空公頭上現金圓光子

正音場抄下

四

等見乎對曰不見自此相國益加敬空念修久
勤屢感勝相ヲテカフ手筆自記曰建久九年正月一日
修ス一七日念佛ヲ第二日水想觀成第七日地想
觀中瑠璃地現ス二月一七日之間水想地想寶
樹寶地宮殿等現正治二年二月之修地想等
五觀隨意顯現元久三年正月四日弥陀觀自
在大勢至三像現室中五日三像又見建永二
年春二月竄讚州居セシ五稔空曰吾不因タ謫タカ爭布
專修之道於海裏乎亦我イソト一化之幸也建曆元

年詔追赴都城二年正月居大谷染疾其徒安
弥陀像於床頭且為臨終オホク助タカ標空曰此像外汝
等有所見乎諸弟子曰無空曰我十餘年來荐
視極樂界相及佛菩薩真身今又佛來也二十
五日朝高唱佛號諸徒助和久而皆聲ナク嗟ナク空獨
不レ衰而至午時其後著傳持之慈覺僧伽梨頭
北面西誦光明遍照偈而寂年八十臘六十空
亡之前二三日紫雲降垂坊上ニ已上釋書薙染
五辛生肉寬治帝堀河院衛曹兵衛ノ觀
覺ハ素氏之弟器兒ハ器量兒ハ草澤ハ甲舍也功德院

三言易少下

皇圓稱肥後阿闍梨攝生皇覺法橋弟子釋書
兼安四年可為五年嘉應帝高倉院緇林釋氏
緇黑色釈氏服翹楚翹高起楚叢林言楚木中
獨高起者以況人之絀類敬率也從空問專念
之道大原談義皇太后上西門院元清淨輪愛宕山
月輪寺寘放也改易也染疾心元清淨輪愛宕山
病慈覺諱圓仁上人九代嫡弟僧伽梨大明佛
衣此袈裟九條臘者釋氏法臘即法歲也
教者上人遁世入山門西塔黑谷觀空之室從
十八歲至四十三歲二十六箇年入大藏披閱
五遍也西方指南鈔云捨本朝所渡之聖教乃
至傳記目錄皆被加一丁見了然煩出離之道
身心不安抑始自曇鸞寫道綽善導懷感御作至

楞嚴先德往生要集雖窺奧旨二及拜見之時
者往生猶不易第三及之時乱想之凡夫不如
稱名之一行是則濁世我等依怙末代衆生之
出離令開悟訖况於自身得脫乎已上指南抄憐
愍善惡凡夫人者讚聖人悲德也選擇引遊心
安樂道云淨土宗意本為凡夫兼為聖人已上濟
凡是宗本意善導大師云如溺水之人急須偏
救岸上之者何用濟為上已

真宗教證興片州

選擇本願弘惡世

正言島山下

卷二

此二句明片州弘通巨益フキキルヤリ 真宗教證與片州ト云
者真宗者淨土真宗也善導大師云真宗カクニ 巨遇カクニ
已上五會法事讚云念佛成佛スル是真宗ナリ上教證者ト云
教謂詮理化物為義證謂證悟也若具可云教
行證也今唯言教證而省畧行字ハキニ雖然選擇本
願之句即當行也與片州者教行證後序云聖
道諸教行證久廢淨土真宗證道今盛ナリ上興謂
發興也コト弘興也片州者片廣韻半也所謂天竺
中國而大國也日本等片州而小國也名粟散カクニ

也章安仁王經疏云小玉衆多粟散也ト云上行十
善有三品上品心行十善為鉄輪王ト云炎浮提
中品心及下品心行十善為粟散王也粟散謂
小玉衆多譬如粟散也故以小國王名為粟散
王亦以小國名為粟散國也今此日本粟散片
州也故日羅禮聖德太子曰敬禮救世觀世音
大菩薩傳燈東方粟散王ト云源空和讚曰誕生
粟散片州今弘念佛宗ト云已上假楞嚴釋要云金
輪王ト云四天下乃至鉄輪王ト云王一天下粟散三

正言昌法下

卷二

皇堯舜諸王為諸侯王上震且尚屬粟散也何
况日本干哉雖然日本神國而亦佛法流布之國
矣大衆相應功德地有矣傳見太子等因茲大衆淨土
法門念佛勸遍本朝矣摠此娑婆弥陀有緣世
界也惠心云弥陀如來者昔為娑婆聖主始發
心修行今成安養化主終不忘宿緣故要次云
弥陀本願誓度娑婆上是故真宗教證興片州
選擇本願弘惡世者選擇本願者口稱南無
阿弥陀佛是也抑於念佛有諸師今家不同所

謂先諸師所立念佛者万行隨一念佛未分別
正雜助正而廣通觀念稱名也次善導大師所
立念佛者本願念佛而分別正雜細判助正其
正業者稱名念佛順弥陀本願故止雜專行稱
名也後聖人於本願念佛之上更加選擇二字
所謂本願念佛阿弥陀如來從二百一十億諸
佛願行之中所選擇之本願故名選擇本願念
佛也黑谷聖人始立此義也雖然大師所立本
願念佛之外不別有選擇本願念佛更加選擇

兩字而已。弘惡世者，西方指南抄云：「亂想之凡夫，不如稱名之一行，是則濁世我等依怙末代之出離令開悟訖。況於自身得脫乎？然則為世為人，雖欲令弘通此行時機難量，感應難知。倩思此事，暫伏寢之處，示夢想紫雲廣，聳覆日本國自雲中出無量光，自光中百寶色鳥飛散，充滿虛空。于時登高山，忽拜生身之善導，乃至念佛興行滿于一天，稱名專修及于衆生故，我來于此善導即我也。」云云因茲弘此法，年年次第繁昌。

無不流布之所。已上大祖聖人選擇集云：「諸行非機失時，念佛往生當機得時，感應豈磨捐上。」又云：「當知淨土之教，叮時機而當行運也。」已上日本一州淨機純熟，朝野遠近皆歸淨土，是空師所為也。
還來生死輪轉家，速入寂靜無為樂。
決以疑情為所止，必以信心為能入。
此四句明選擇集最要信疑得失。還來生死等者，選擇集云：「當知生死之家，以疑為所止，涅槃。」

正言湯抄下

卷四

槃之城以信為能入上生死者死此生彼之義也輪轉家者心地觀經第三云有情輪迴生六道猶如車輪無始終上論註云見三界是虛偽相是輪轉相是無窮相上次以疑情為所止者次者韻會定也亦次判也疑者猶預心狐疑心也速入寂靜無為樂者定善義云西方寂靜無為樂畢竟逍遙離有無大悲薰心遊法界分身利物等無殊上道遙者彼土躰是一法句故無動轉故為寂靜無造作故名為無為離有無苦

故名為樂上大經云彼佛國土無為自然上法事讚云極樂無為涅槃界上必以信心為能入者大論第一云問曰諸佛經何以故初稱如是語答曰佛法大海信為能入智為能度如是者即是信也若人心中有信清淨是人能入佛法若無信是人不能入佛法上論註曰經始稱如是彰信為能入上若無信心弥陀淨土云何入龍舒淨土文云經云大醫王能治一切病不能治命盡之人佛能度一切衆生不能度一切

生言易抄下

卷十五

不信之人以不信比命盡者可謂極上一切諸佛不能濟度不信人也

弘經大士宗師等

極濟無邊極濁惡

唯可信斯高僧說

三弘經以下四句讚高僧德結勸弘經大士

宗師等者指七高僧化身土本云四依弘經大

士三朝淨土宗師等上弘經大士者四依弘經

大士也涅槃經會疏第六云四者數也依者憑

也一切世間憑之得益故上涅槃經四依品云

佛復告迦葉善男子是大般涅槃微妙經中有

四種人能護正法建立正法憶念正法能多利

益憐憫世間為世間依安樂人天上會疏云今

明得法多種初依相似得法後三分真得法真

似合論皆在涅槃此中通歎四人自行化他之

德於有佛法處不令他緣擾亂故言能護於無

佛法處能令興顯故言建立有無兩處皆能住

持故言憶念此三句自行德也有佛法處能令

增上故言能多利益無佛法處能使見聞故言

增上故言能多利益無佛法處能使見聞故言

增上故言能多利益無佛法處能使見聞故言

憐憫世間有無兩處雙作依止今按此句歎益
他德上經曰何等為四有人出世具煩惱性是
名第一須陀洹人斯陀含人是名第二阿那含
人是名第三阿羅漢人是名第四是四種人出
現於世能多利益憐憫世間為世間依安樂人
天已疏云具煩惱性名第一者依別教判即三
十心依圓教判即十信位此之兩位皆斷通惑
則不得言具煩惱事皆伏別惑其事不起其性
猶存故言具煩惱性二果名第二者依別教判

初地至六地若依圓教一途判初住至六住准
通共來見地至薄地俱未離欲若准大乘七地
亦有未離肉身三果為第三依者依別教判是
八九地若依圓教一途別判在八住位准小乘
判不還欲界准大乘判七地之位不還三界第
四果可解若細就圓教判者下文廣明已上通
思別惑者塵沙无明者玄義五云五品六根為初依十住為
二依十行十迴向為三依十地等覺為四依已上
私云從觀行五品及相似六根淨位至等覺堪

為世間眾生之所依止能令眾生聞法開解修行證果故名四依也涅槃經六曰是名四人出現於世能多利益憐憫世間為世間依安樂人天於人天中最尊最勝猶如如來名人中勝為歸依處上宗師等者三朝淨土宗師也宗者尊也所謂上涅槃最尊最勝猶如如來文是也師者涅槃疏云今則取四依皆是師位能為世間作依止上是故四依弘經大士即是宗師也高僧傳云四海宗師一時翹楚上等者向上等

多字

又字

以為無上若無餘賢聖眾得定凡夫以為無上若無得定凡夫淨持戒以為無上若無淨持戒漏戒比丘以為無上若無漏戒剃除鬚髮身著袈裟名字比丘為無上寶比餘九十五種異道最為第一應受世供為物福田何以故破能身眾生所怖畏故若有護持養育安置是人不久得忍地已上化身土所引忍地此道俗者如彼蓮華谷云不限持戒只指在家出家二類云道俗也論四眾時就戒定之只云道俗廣通持戒

正信揚妙下

卷七

破戒等也已上時衆等者玄義云道俗時衆等傳
通記云時衆者能化值所化之時也謂指所化
呼時衆斯乃正指大師在世道俗兼通遺教流
布未來之衆以禮讚云相續係心助成往益示
願覺悟未聞遠沾遐代故已上准彼思此時衆者
指聖人在世道俗兼通未來之衆也共同心者
元照觀經疏云不擇賢愚不簡縑素不論修行
久近不問造罪重輕但令決定信心即是往生
因種已上念佛鏡云念佛法門不問道俗不論男

極濟無邊極濁惡者極韻會救也助也濟韻會
渡也極濁惡者極濁極惡也所謂五濁增時故
名為極濁也極重惡人故名為極惡也道俗
時衆共同心者道俗者出家五衆名為道在家
二衆名為俗也其五衆者一比丘受持二百二
比丘尼受持五百戒但唐道世毘尼計三沙弥
戒四沙弥尼前五式又摩尼正學二衆者一優
婆塞戒二優婆夷前問今時無戒也故安樂集
云五戒十善持得者甚希已上如何分別道俗耶

吾今時多就形分別道俗故末法燈明記云末
法唯有名字比丘此名字為世真寶更無論由
設末法中有持戒者既是怪異如市有虎此誰
可信問正像末事已見衆經末法名字為世真
寶出何聖典吾大集第九云譬如真金為無價
寶若無真金者銀為無價寶若無銀輸石偽寶
為無價寶若無偽寶赤白銅鉄白鑄鉛錫為無
價寶如是一切世間佛法無價若無佛寶緣覺
無上若無緣覺羅漢無上若無羅漢餘賢聖衆

女唯要有信已上往生要集云夫往生極樂之教
行濁世末代之目足也道俗貴賤誰不歸者已上
然則不簡道俗同一念佛無別道故黑谷云聖
道門意極智慧離生死淨土門意還愚癡生極
樂已上假名書同黑谷云縱使雖能學一代聖教
為一文不知之愚鈍身同尼入道無智輩不為
智者振舞而只可一向念佛已上假名書又黑谷云
他力以無義為義以無樣為樣已上唯可信斯
高僧說者唯但也傳也一也斯韻會此也指印

度西天以下言也高僧者高韻會崇也上所謂
名德俱高名為高僧雖然實依德不依名高僧
傳序云合十四軸号曰高僧傳自前代所撰多
曰名僧然名者本實之實也若實行潛光則高
而不名寡德適時則名而不高名而不高本非
所紀高而不名則備今錄故省名音代以高字
已上名者本實之實者名從外來故如賓客高
德在內故如主人因茲改古名僧而名為高僧
也說者解也謂高僧解說也道俗共同心唯可
仰信斯高僧解說正信念佛而已

正信念佛偈稱揚鈔下終

右此鈔者寬文六丙午曆初春下旬候為讚
歎正信念佛偈考本文集要文乃成三卷題
目謂之正信念佛偈稱揚鈔草創纔終同九
年己酉夏講之尚未再治同十二年壬子中
春再治之畢所述有謬請加刪削矣

昔寬文壬子中春日

釋惠雲謹誌

正徳傳抄下

寛文壬子仲夏吉旦
五條橋通扇屋町丁子屋
西村九郎衛門
開板



明治三年九月廿九日

本末成美徳寺郡

眞明寺和奥村

蓮淨寺

什和

